

**ҚАЗАҚСТАН РЕСПУБЛИКАСЫНЫҢ БІЛІМ ЖӘНЕ ҒЫЛЫМ МИНИСТРЛІГІ  
ЕУРАЗИЯ ГУМАНИТАРЛЫҚ ИНСТИТУТЫ**

**2018-2019 ОҚУ ЖЫЛЫНА  
ЕУРАЗИЯ ГУМАНИТАРЛЫҚ ИНСТИТУТЫНА ҚАБЫЛДАУ  
ҚАҒИДАЛАРЫ**

**АСТАНА - 2018 ж.**

**ЕУРАЗИЯ ГУМАНИТАРЛЫҚ ИНСТИТУТЫ**  
**2018-2019 оқу жылға мынадай мамандықтарға қабылдау жариялайды:**

**БАКАЛАВРИАТ**

Педагогикалық

5B010100 - «Мектепке дейінгі оқыту және тәрбиелеу»

5B010200 – «Бастауышта оқытудың педагогикасы мен әдістемесі»

5B010300 – «Педагогика және психология»

5B011400 – «Тарих»

5B011700 – «Қазақ тілі мен әдебиеті»

5B011900 – «Шетел тілі: екі шетел тілі»

Гуманитарлық

5B020700 – «Аударма ісі»

Заң

5B030100 – «Құқықтану»

Экономикалық

5B050900 – «Қаржы»

**1. Жалпы ережелер**

1. Еуразия гуманитарлық институтына қабылдау ережелері Қазақстан Республикасы Үкіметінің 2012 жылғы 19 қаңтардағы № 111 қаулысымен (2012 жылғы 19 сәуірдегі № 487, 2012 жылғы 30 маусымда № 896, 2013 жылдың 12 ақпанындағы № 110, 2014 жылғы 5 шілдедегі № 769, 2016 жылғы 14 шілдедегі № 405, 2017 жылғы 6 сәуірдегі № 174, 2018 жылғы 8 маусымдағы № 334 қаулыларымен өзгерістер енгізілген) бекітілген «Жоғары білім берудің кәсіптік оқу бағдарламаларын іске асыратын білім беру ұйымдарына оқуға қабылдаудың үлгі қағидаларын бекіту туралы» бұйрығы негізінде құрылды.

2. Еуразия гуманитарлық институтына жалпы орта орта (орта жалпы), техникалық және кәсіптік (бастауыш кәсіптік немесе орта кәсіптік), орта білімнен кейінгі, жоғары (жоғары кәсіптік) білімі бар адамдар қабылданады.

3. Еуразия гуманитарлық институтына түсуші тұлғаларды қабылдау мемлекеттік білім беру тапсырысын (білім беру грантын) орналастыру, сондай-ақ азаматтардың өз қаражаты мен басқа да көздер есебінен оқуға ақы төлеуі арқылы жүзеге асырылады.

4. Еуразия гуманитарлық институтына түсуші тұлғаларды қабылдау ұлттық бірыңғай тестілеудің (бұдан әрі - ҰБТ) немесе кешенді тестілеудің нәтижелері бойынша берілген сертификаттағы балдарға сәйкес конкурстық негізде олардың өтініштері бойынша жүзеге асырылады.

5. ҰБТ ағымдағы жылы жалпы орта білім берудің жалпы білім беретін оқу бағдарламаларын меңгерген білім беру ұйымдарының бітірушілері, сондай-ақ республикалық музыка мектеп-интернаттарының бітірушілері үшін өткізіледі.

КТ өткен жылдардағы жалпы орта (орта жалпы) білім беру ұйымдарының бітірушілері, техникалық және кәсіптік (бастауыш кәсіптік немесе орта кәсіптік), орта білімнен кейінгі білім беру ұйымдарының бітірушілері, халықаралық оқушылар алмасу желісі бойынша шетелде оқыған жалпы білім беретін мектеп бітірушілері, сондай-ақ оқу орындарын шетелде бітірген адамдар үшін өткізіледі.

6. Шекті балды алмаған ҰБТ қатысушылары, нәтижелері жойылған қатысушылар және ҰБТ-ға қатыспаған адамдар үшін ақылы негізде жоғары оқу орнына түсу үшін ҰБТ қайта өткізіледі.

7. Шекті балды алмаған КТ қатысушылары, нәтижелері жойылған қатысушылар және КТ-ге қатыспаған адамдар үшін ақылы негізде жоғары оқу орнына түсу үшін КТ қайта өткізіледі.

8. Осы Қабылдау қағидаларының 6 және 7-тармақтарында көзделген ҰБТ немесе КТ нәтижелері бойынша шекті балды алмаған адамдар жоғары оқу орындарына күндізгі оқу бөліміне ақылы негізде қабылданады.

Бұл адамдар үшін жоғары оқу орнында білім алудың бірінші академиялық кезеңі аяқталғаннан кейін ҰБТ немесе КТ қайта өткізіледі. Осы ҰБТ немесе КТ-дің қорытындылары бойынша белгіленген шекті балды алмаған адамдар жоғары оқу орнынан шығарылуға тиіс.

9. Түсуші тұлғаларды ақылы негізде оқуға қабылдауды Еуразия гуманитарлық институтының қабылдау комиссиясы жүзеге асырады.

«Орта буын маманы» немесе «қолданбалы бакалавр» біліктілігін алған техникалық және кәсіптік немесе орта білімнен кейінгі білімі бар адамдарды ұқсас мамандықтарға жеделдетілген оқу мерзімімен қысқартылған білім бағдарламалары бойынша Еуразия гуманитарлық институтына қабылдау КТ нәтижелері бойынша жүзеге асырылады.

Жоғары білім саласындағы ұқсас мамандықтар мен техникалық және кәсіптік, орта білімнен кейінгі білім беру мамандықтарының тізбесін білім беру саласындағы уәкілетті орган бекітеді.

Шетел азаматтарын ақылы негізде Еуразия гуманитарлық институтына қабылдау институттың қабылдау комиссиясы өткізетін әңгімелесу нәтижелері бойынша жүзеге асырылады.

10. Жоғары білімі бар адамдарды ақылы негізде қысқартылған мерзімге оқуға қабылдауды Еуразия гуманитарлық институтының қабылдау комиссиясы жүзеге асырады.

11. ҰБТ немесе КТ тізбесін білім беру саласындағы уәкілетті орган бекітетін ҰБТ өткізу пунктерінде немесе базалық жоғары оқу орындарында өткізіледі.

12. ҰБТ және КТ өткізу қағидаларын білім беру саласындағы уәкілетті орган бекітеді.

13. ҰБТ немесе КТ-нің бейіндік пәндері көрсетілген мамандықтар тізбесін білім беру саласындағы уәкілетті орган бекітеді.

14. КТ-нің жалпы бейіндік және бейіндік пәндері көрсетілген мамандықтар тізбесін білім беру саласындағы уәкілетті орган бекітеді.

15. Педагогикалық мамандықтарға қабылдау арнаулы емтихан нәтижелерін ескере отырып жүзеге асырылады.

## **2. Мамандықтар тізбесі және арнаулы емтиханды өткізу тәртібі**

16. Арнаулы емтихан өткізілетін мамандықтардың тізбесі осы Қабылдау қағидаларға 1-қосымшаға сәйкес белгіленеді.

Педагогикалық мамандықтарға түсетін адамдар Еуразия гуманитарлық институтының қабылдау комиссиясына жалпы орта (орта жалпы) немесе техникалық және кәсіптік (бастауыш кәсіптік немесе орта кәсіптік), орта білімнен кейінгі білімі туралы құжатын (түпнұсқа), 3 x 4 көлеміндегі екі фотосуретін, жеке басын куәландыратын құжаттың көшірмесін, ҰБТ немесе КТ сертификатын (бар болса) тапсырады.

17. Педагогикалық мамандықтарға түсу кезіндегі арнаулы емтихан оқуға түсушілердің педагогикалық қызметке бейімділігін айқындауға бағытталған.

18. Педагогикалық мамандықтарға түсу үшін оқуға түсушілерден өтініштер қабылдау және арнаулы емтихан өткізу Еуразия гуманитарлық институтында 20 маусым мен 14 тамыз аралығында жүзеге асырылады.

19. Педагогикалық мамандықтарға түсуші адамдар Еуразия гуманитарлық институтының қабылдау комиссиясы өткізетін бір арнаулы емтихан тапсырады.

Педагогикалық мамандықтарға түсуші адамдар үшін Қазақстан тарихы, математикалық сауаттылық, оқу сауаттылығы (оқу тілі), екі бейіндік пән бойынша балдар ескеріледі.

Жеделдетілген оқу мерзімімен қысқартылған білім беру бағдарламалары бойынша ұқсас мамандықтарға түсуші адамдар үшін жалпы бейіндік және бейіндік пәндер бойынша балдар ескеріледі.

20. Арнаулы емтиханды өткізу нысаны осы Қабылдау қағидаларына 2-қосымшаға сәйкес белгіленеді.

21. Арнайы емтиханды өткізу бағдарламасын Еуразия гуманитарлық институты әзірлейді және қабылдау комиссиясының төрағасы бекітеді.

22. Арнаулы емтиханды ұйымдастыру және өткізу үшін Еуразия гуманитарлық институтының ректорының бұйрығымен емтиханды өткізу кезеңіне комиссия құрылады, ол төрағасын қосқанда тақ саннан тұрады. Комиссия шешімі оның құрамының кемінде үштен екісі отырысқа қатысса заңды деп саналады. Комиссия шешімі емтиханға қатысушылар санының көпшілік даусымен қабылданады. Комиссия мүшелерінің дауыстары тең болған жағдайда, төрағаның дауысы шешуші болып табылады.

23. Арнаулы емтиханның кестесін (емтиханды өткізу нысаны, күні, уақыты және өткізілетін орны, консультациялар) қабылдау комиссиясының төрағасы бекітеді және құжаттарды қабылдау басталғанға дейін кешіктірілмей оқуға түсушілердің назарына жеткізіледі.

24. Оқуға түсуші арнаулы емтихан өткізілетін аудиторияға жеке басын куәландыратын құжатты көрсеткенде жіберіледі.

25. Арнаулы емтихан басталғанға дейін оқуға түсушілерге емтихан материалдары беріледі және титулдық парақтарды ресімдеу тәртібі түсіндіріледі, сондай-ақ арнаулы емтиханның басталу және аяқталу уақыты, нәтижелерді жариялаудың уақыты мен орны және апелляцияға өтініштер беру рәсімі көрсетіледі.

26. Педагогикалық мамандықтарға түсушілер үшін арнаулы емтихан "өтті" немесе "өтпеді" деген нысанда бағаланады.

27. Арнаулы емтиханды өткізу қорытындылары – рұқсат беру ведомосымен, комиссияның еркін нысандағы хаттамасымен ресімделеді және қабылдау комиссиясының жауапты хатшысына (оның орынбасарына) нәтижелерді жариялау үшін беріледі. Комиссия хаттамасына төраға және комиссияның барлық қатысқан мүшелері қол қояды.

28. Арнаулы емтиханның нәтижелері емтихан өткізілетін күні жарияланады.

29. Арнаулы емтиханның нәтижелері бойынша оқуға түсушіге қабылдану орны бойынша жоғары оқу орнына ұсыну үшін ведомостан үзінді беріледі.

30. Емтихандарды өткізу кезеңіне арнаулы емтиханға қойылатын талаптарды сақтау, даулы мәселелерді шешу, тиісті емтихандарды тапсыратын адамдардың құқықтарын қорғау мақсатында Еуразия гуманитарлық институты ректорының бұйрығымен апелляциялық комиссия құрылады, ол төрағасын қосқанда тақ саннан тұрады.

31. Апелляцияға өтінішті апелляциялық комиссия төрағасының атына арнаулы емтиханды тапсырушы адам өзі тапсырады, ол арнаулы емтихан нәтижесі жарияланғаннан кейін келесі күні сағат 13.00-ге дейін қабылданады, апелляциялық комиссия оны бір күн ішінде қарайды.

32. Апелляциялық комиссияның шешімі отырысқа оның құрамының кемінде үштен екісі қатысса, заңды деп есептеледі. Арнаулы емтихан нәтижелерімен келіспеу туралы апелляция бойынша шешім қатысушы комиссия мүшелері санының көпшілік даусымен қабылданады. Апелляциялық комиссия мүшелерінің дауыстары тең болған жағдайда, төрағаның дауысы шешуші болып табылады. Апелляциялық комиссияның жұмысы төрағаның және барлық қатысушы комиссия мүшелерінің қолы қойылған хаттамамен ресімделеді.

33. Еуразия гуманитарлық институтының қабылдау комиссиясы күнтізбелік бес күн ішінде білім беру саласындағы уәкілетті органға еркін нысанда арнаулы емтиханды ұйымдастыру және өткізу жөніндегі қорытынды есепті, сондай-ақ арнаулы емтихан қорытындылары туралы бұйрықтардың көшірмелерін ұсынады.

### 3. Жоғары оқу орындарына қабылдау

34. Студенттерді қабылдауды Еуразия гуманитарлық институтының қабылдау комиссиясы 10 – 25 тамыз аралығында өткізеді.

Оқуға түсушілер институттың қабылдау комиссиясына қабылдау туралы өтінішпен бірге жалпы орта (орта жалпы), техникалық және кәсіптік (бастауыш кәсіптік немесе орта кәсіптік), орта білімнен кейінгі немесе жоғары (жоғары кәсіптік) білімі туралы құжатын (төлнұсқа), 3 x 4 көлеміндегі 6 фотосуретін, 086-У нысанындағы медициналық анықтаманы, ҰБТ немесе КТ сертификатын, сондай-ақ білім беру грантын тағайындау туралы куәлікті (бар болса) қоса береді.

Техникалық және кәсіптік, орта білімнен кейінгі білімнің білім беру бағдарламаларын іске асыратын білім беру ұйымдарының білім туралы құжаттары бар, біліктілігін растаған және мамандығы бойынша кемінде бір жыл жұмыс өтілі бар адамдар мынадай құжаттардың бірін:

- 1) еңбек кітапшасын;
- 2) жұмыс берушінің қолы қойылған, ұйымның мөрімен (бар болса) расталған қызметтік тізімді (жұмыскердің жұмысы, еңбек қызметі туралы мәліметтер тізбесі);
- 3) жұмыскердің еңбек қызметі туралы мәліметтерді қамтитын архивтік анықтаманы қосымша береді.

Еуразия гуманитарлық институтына қабылдау үшін шекті балды алмаған адамдар қабылдау комиссиясына өтінішпен бірге жалпы орта (орта жалпы) немесе техникалық және кәсіптік (бастауыш кәсіптік немесе орта кәсіптік) орта білімнен кейінгі білім туралы құжатын (төлнұсқа), 3x4 көлеміндегі 6 фотосуретін, 086-У нысанындағы медициналық анықтаманы, ҰБТ немесе КТ сертификатын қоса береді.

35. Білім беру грантын тағайындау туралы куәлік алған адамдар куәлікте көрсетілген жоғары оқу орнына қабылдау туралы өтініш береді және жоғары оқу орны ректорының бұйрығымен студенттер қатарына қабылданады.

Мемлекеттік білім беру тапсырысы негізінде оқуға түсетін Қазақстан Республикасының азаматтары Қазақстан Республикасының Үкіметі айқындайтын тәртіппен кемінде үш жыл жұмыспен өтеу туралы шарт жасайды.

36. Еуразия гуманитарлық институтына ақылы оқуға ҰБТ немесе КТ-ден өткен, тестілеу нәтижелері бойынша – кемінде 50 балл, оның ішінде Қазақстан тарихы, математикалық сауаттылық, оқу сауаттылығы – оқу тілі бойынша – кемінде 5 балл және әр бейіндік пәннен кемінде 5 балл алған жалпы орта (орта жалпы) немесе техникалық және кәсіптік (бастауыш кәсіптік немесе орта кәсіптік) орта білімнен кейінгі білім беру бағдарламаларын іске асыратын білім беру ұйымдарының бітірушілері қабылданады.

Еуразия гуманитарлық институтына ақылы оқуға КТ-ден өткен, тестілеу нәтижелері бойынша – кемінде 25 балл, оның ішінде жалпы бейіндік пән бойынша – кемінде 5 балл және бейіндік пән бойынша кемінде 5 балл алған жеделдетілген оқу мерзімімен қысқартылған білім бағдарламалары бойынша ұқсас мамандықтарға түсетін техникалық және кәсіптік, орта білімнен кейінгі білім беру бағдарламаларын іске асыратын білім беру ұйымдарының бітірушілері қабылданады.

Бірінші академиялық кезең аяқталғаннан кейін қайта ҰБТ немесе КТ өткізу нәтижесі бойынша шекті балды алған адамдар Еуразия гуманитарлық институты басшысының атына ақылы негізде жоғары оқу орнына қабылдау туралы өтініш береді.

Өтінішке ҰБТ немесе КТ сертификаты, уәкілетті тұлғаның қолы қойылған және мөрмен бекітілген транскрипт көшірмесі қоса беріледі.

37. Еуразия гуманитарлық институтына қабылдау оқыту нысаны, мамандықтар және тілдік бөлімдер бойынша жеке жүргізіледі.

Педагогикалық мамандықтарға қабылдау арнаулы емтиханның нәтижелері ескеріле отырып жүргізіледі.

38. Оқуға түсуші екінші деңгейдегі банктер беретін білім беру кредитін ресімдеген жағдайда, ол құжаттарының қаралып жатқандығы туралы банктен тиісті анықтаманы ұсынған кезде жоғары оқу орнының студенттері қатарына қабылданады.

Бұл ретте оған білім беру қызметін көрсету шартында белгіленген және азаматты оқуға қабылдауға дейін төлеуге жататын соманы төлеу мерзімі білім беру кредитін ресімдеу кезеңіне, бірақ банктен анықтама алған кезден бастап төрт аптадан асырылмай ұзартылады.

39. Шет тілінде берілген құжаттардың мемлекеттік немесе орыс тіліндегі нотариалды куәландырылған аудармасы болуы тиіс.

Шетелдік білім беру ұйымдары берген білім туралы құжаттар адамдар оқуға қабылданғаннан кейін оқудың бірінші семестрі ішінде заңнамада белгіленген тәртіппен нострификациялау рәсімінен өтеді.

40. Осы Қабылдау қағидалармен регламенттелмеген мәселелерді Еуразия гуманитарлық институтының қабылдау комиссиясы дербес шешеді.

Еуразия гуманитарлық  
институтына қабылдау  
қағидаларына  
1-қосымша

**Арнаулы емтихан өткізілетін мамандықтар тізбесі**

Коды	Мамандықтардың атаулары
1	2
5B010100	Мектепке дейінгі оқыту және тәрбиелеу
5B010200	Бастауышта оқытудың педагогикасы мен әдістемесі
5B010300	Педагогика және психология
5B011400	Тарих
5B011700	Қазақ тілі мен әдебиеті
5B011900	Шетел тілі: екі шетел тілі

Еуразия гуманитарлық  
институтына қабылдау  
қағидаларына  
2-қосымша

**Арнаулы емтихандарды өткізу нысаны**

Коды	Мамандықтардың атаулары	Арнаулы емтиханды өткізу нысаны
1	2	3
5B010100	Мектепке дейінгі оқыту және тәрбиелеу	Педагогикалық жағдаятты шешу
5B010200	Бастауышта оқытудың педагогикасы мен әдістемесі	Педагогикалық жағдаятты шешу
5B010300	Педагогика және психология	Педагогикалық жағдаятты шешу
5B011400	Тарих	Педагогикалық жағдаятты шешу
5B011700	Қазақ тілі мен әдебиеті	Педагогикалық жағдаятты шешу
5B011900	Шетел тілі: екі шетел тілі	Педагогикалық жағдаятты шешу